



Selasa, 25 Juli 2023

Ogen: Perbahanan Rasul 18:3



Pekerja Keras



Mbue rupa-rupa pendahin, tapi rejeki ras kesuksesen labo rasa lalap itentukan jilena ras mantapna jenis pendahinta. Kunci sukses lit i bas tan Tuhan ras i bas kininggitenta jadi kalak si tutus erdahin, pekerja keras. Jakup, ia sekalak pekerja keras. Erdahin 7 tahun bas juma mamana gelah ndatken Rahel anak mama si ngena atena, langa datca tetap iusur-usurna dahinna, seh maka dat sinisurakenna. Daud pe kalak pekerja keras, asum nguda denga ia enggo jadi permakan biri-biri bapana, emaka jadi puanglima perang kerajaan Israel. Nehemia pe sekalak pekerja keras, amin gia mbue kalak si ngeranai ras matahken semangatna mbangun tembok Jerusalem si nggo runtuh, la peturutna cakap kalak ngeruntuhkan semangatna.

I bas ogenta enda e pe icidahken kerna Persila ras Paulus si merupaken pekerja keras ka, subuk i bas pelayanen bagepe pendahin guna keperluan geluhna. Sekalak si pekerja keras la mengorbankan pelayanen demi pendahin sekuler, bagepe labo mengorbankan pendahin guna ndahiken pelayanen. Kalak si pekerja keras, terandalken janah pasti ndatken upah si tuhu-tuhu sue ras perjuangenna. Adi bage, mari si pelajari kai saja kriteria pekerja keras e. *Sipemena*, tutus ntah pe sungguh-sungguh la murah menyerah. *Sipeduaken*, mengandalken Tuhan "ora et labora", *sipeteluken* eme la murah ipengaruhi pengajuk kalak si deban ntah pe focus nandangi tujunna jine. *Sipeempatken*, beluh ngaturken waktu. Pekerja keras ningen e erkeras ibas makeken talenta, kininggiten si megegeh guna nehi tujun, labo keras ngelebihi asa kengasupen dirinta jine. Sada nari kiniersadanta ras Tuhan, si jadi motivator utama ibas kita jadi kalak si berhasil. Sebab Tuhan nepa kita labo gelah jadi biasa-biasa saja, surakenNa kita gelah ula seri ras doni enda, si ngelasamken talenta ras kesempatan siiberekenNa. Tapi ateNa kita gelah jadi usihen bas kerinana. Emaka pakekenlah talenta ras kesempatan jadi pekerja guna kemulian Dibata.

👉 Usaha tidak pernah mengkhianati hasil